



DECRETO POLO QUE NOMEAN OS MEMBROS DA XUNTA DE GOBERNO LOCAL, AS TENENCIAS DE ALCALDÍA, E O SEU REXIME DE SESIONS, ,

A Xunta de Goberno Local é o órgano que, baixo a presidencia da alcaldesa, colabora de forma colexiada na función de dirección política que a esta corresponde e exerce as funcións executivas e administrativas que se sinalan no artigo 127 da Lei 7/1985, de 2 de abril, reguladora das bases do réxime local.

Os artigos 126.2 e 125 do mesmo texto legal facultan a alcaldesa, respectivamente, para nomear e separar libremente os membros da Xunta de Goberno Local, nun número máximo dun terzo do número legal de membros da Corporación e para nomear entre os concelleiros e concelleiras que formen parte da Xunta de Goberno Local os tenentes e tenentas de alcaldesa, que a substituirán, pola orde do seu nomeamento, nos casos de vacante, ausencia ou enfermidade.

Celebradas as eleccións municipais o pasado 28 de maio e constituída a Corporación Municipal e elixida alcaldesa o día 17 de xuño, cómpre que se adopten as resolucións que correspondan á Alcaldía en materia de organización e estrutura da organización municipal executiva, de conformidade co establecido na citada norma e na Lei 5/1997, de 22 de xullo, de Administración local de Galicia, o Regulamento Orgánico Municipal e o Regulamento de organización, funcionamento e réxime xurídico das entidades locais aprobado por Real Decreto 2568/1986, de 28 de novembro.

En consecuencia, no uso das atribucións legalmente conferidas a esta Alcaldía nos artigos 124, 125 e 126 da Lei 7/1985, de 2 de abril,

RESOLVO:

PRIMEIRO.NOMEAMENTO DE MEMBROS DA XUNTA DE GOBERNO LOCAL (ART.126.2 LBRL).-

Nomear membros da Xunta de Goberno Local os seguintes concelleiros e concelleiras:

- D. José Manuel Lage Tuñas
- D.^a Eudoxia María Neira Fernández
- D. Gonzalo Henrique Castro Prado
- D.^a Nereida María Canosa Domínguez
- D. Francisco Dinís Díaz Gallego
- D.^a Noemí Díaz Vázquez
- D.^a Diana María Sobral Cabanas
- D. Juan Ignacio Borrego Vázquez

Exercerá de titular da Secretaría da Xunta de Goberno Local D. José Manuel Lage Tuñas, actuando como suplente D.^a Eudoxia María Neira Fernández, e na súa ausencia, D. Gonzalo Henrique Castro Prado.

De conformidade co artigo 106.f) do ROM, as sesións e reunións da Xunta de Goberno Local cando sexan convocados expresamente pola Alcaldía poderán asistir concelleiros e concelleiras non pertencentes á Xunta de Goberno Local titulares dos órganos directivos, e no seu caso, outro persoal ao servizo da entidade.

SEGUNDO. NOMEAMENTO DE TENENCIAS DE ALCALDÍA (ART.125 LBRL).-



Nomear tenentes e tenentas de alcaldesa os seguintes membros da Xunta de Goberno Local:

Primeiro tenente de alcaldesa: D. José Manuel Lage Tuñas.

Segunda tenenta de alcaldesa: D.^a Eudoxia María Neira Fernández.

Terceiro tenente de alcaldesa: D. Gonzalo Henrique Castro Prado

TERCEIRO.REXIME DE SESIÓNS DA XUNTA DE GOBERNO LOCAL.-

Establecer o réxime de sesións da Xunta de Goberno Local consonte ás seguintes regras:

1) As sesións ordinarias da Xunta de Goberno Local terán lugar cada catorce días, os mércores ás 09:45 horas. En segunda convocatoria as sesións ordinarias terán lugar o seguinte día hábil á mesma hora.

2) Cando a sesión ordinaria tanto en primeira como en segunda convocatoria coincida con día inhábil, terá lugar o día seguinte hábil á mesma hora.

3) Se coincidir coa celebración da sesión ordinaria do Pleno, a sesión da Xunta de Goberno celebrarase o día seguinte á mesma hora.

4) A alcaldesa poderá cambiar o día e a hora das sesións, así como suspendelas.

5) As deliberacións da Xunta de Goberno Local son secretas.

6) A alcaldesa poderá convocar a determinadas sesións a concelleiras e concelleiros non pertencentes á Xunta de Goberno Local, así como as persoas titulares dos órganos directivos.

7) Entenderanse convocadas todas as sesións ordinarias coa mera remisión da orde do día polo concelleiro/a-secretario/a, debendo ser convocados/as a todas as sesións ordinarias e extraordinarias, de conformidade co art. 106 f) do ROM, o titular da Dirección da Asesoría Xurídica en funcións de asistencia xurídica á Xunta de Goberno Local, no seu caso o titular do órgano a que se refire o art. 125.1, B h), o interventor xeral e a oficial maior como titular do órgano de apoio á Xunta de Goberno Local e o concelleiro/a-secretario/a.

8) Autorízase a utilización exclusiva de medios electrónicos para a notificación das convocatorias e, cando fora posible, a posta a disposición de expedientes ós membros desta e a outros concelleiros e persoal funcionario asistente, prescindindo da notificación en papel para todos os efectos, e facúltase o concelleiro/a-secretario/a e a oficial maior para a execución deste acordo e para realizar os trámites de xestión procedentes, permitindo tanto o correo electrónico como calquera outro sistema de notificación e posta a disposición de expedientes que se poda implementar.

Dar conta do presente Decreto á Xunta de Goberno Local e ó Pleno da Corporación e publicalo no Boletín Oficial da Provincia.

A Coruña na data da sinatura electrónica.

Alcaldesa

D.^a Inés Rey García

